

Ar mhaith leat do shaineolas cánach a úsáid agus difríocht a dhéanamh?

Tar ag obair leis na Coimisinéirí Ioncaim mar Phríomhoifigeach Cúnta - Speisialtóir Cánach.

Raon scála pá: €81,475 - €101,535.

Revenue



Cáin agus Custaim na hÉireann
Irish Tax and Customs

An speisialtóir cánach thú agus an bhfuil gairm bheatha shuimiúil agus éagsúil uait leis na Coimisinéirí Ioncaim?

Seo í do dheis chun
gairm bheatha a
fhorbairt le riarachán
cánach agus custaim
ardfheidhmíochta agus
sofhreagrúil chun
fíordhifríocht a
dhéanamh.

[Léigh tuilleadh anseo>](#)



An Ról

Tá 16 Rannóg sna Coimisinéirí Ioncaim, le poist cheannaireachta mar Phríomhoifig Cúnta le freagrachtaí as raon leathan feidhmeanna, lena n-áirítear:

- Idirghníomhú le custaiméirí, comhairleoirí gnó agus gairmiúla, lena n-áirítear ról ionadaíoch do na Coimisinéirí Ioncaim mar maidir le grúpaí páirtithe leasmhara éagsúla
- Cultúr láidir comhlíontachta cánach agus custaim a chur chun cinn laistigh de bhonn custaiméirí na gCoimisinéirí Ioncaim
- Dlí cánach agus dleachta a fhorfheidhmiú agus ionchúisimh a thionscnamh, nuair is gá
- Imscrúduithe fóiréinseacha a dhéanamh agus tacú le Seirbhísí Ionchúisimh na gCoimisinéirí Ioncaim
- Straitéisí comhlíontachta a fhorbairt agus a mheas atá oiriúnach do bhonn cásanna deighilte na gCoimisinéirí Ioncaim
- Cóitseáil agus meantóireacht na foirne chun cumas teicniúil cánach a fhorbairt.

Revenue



Cáin agus Custaim na hÉireann
Irish Tax and Customs

Cé ba chóir cur isteach air?

Tá muid ag lorg daoine a bhfuil an méid seo a leanas acu:

- eolas láidir teicniúil cánach leis an gcumas taighde a dhéanamh ar reachtaíocht chánach agus í a chur i bhfeidhm
- tuiscint shoiléir ar chóras, reachtaíocht agus ar chleachtas cánach agus custam na hÉireann
- cuntas teiste cruthaithe maidir le cruthú, tógáil agus cur i bhfeidhm tionscnaimh ard-anailísíochta agus faisnéise gnó
- taithí ar phleanáil, stiúradh agus bainistiú imscrúduithe airgeadais fóiréinseacha
- an cumas foireann a threorú agus plean gnó comhaontaithe a sheachadadh.

Bunriachtanais Iontrála

Ní mór d'iarrthóirí, ar an 9 Eanáir 2026, nó roimhe:

- a.i.** Leibhéal 8 ar an gCreat Náisiúnta Cáilíochtaí, ar a laghad, a bheith bainte amach agus Cánachas, Cuntasaíocht nó Dlí a bheith roghnaithe mar phríomhábhar i scrúdú deiridh na céime

NÓ

- a.ii.** Cáilíocht a bheith agat mar chuntasóir, gairmí cánach, aturnae nó abhcóide (m.sh., ballraíocht nó teidlíocht chun ballraíochta de chomhlacht gairmiúil aitheanta sna réimsí sin)

AGUS

- b.** Taithí ábhartha 3 bliana ar a laghad a bheith agat i ngnólacht gairmiúil mór, i ngnóthas nó in eagraíocht san Earnáil Phoiblí.

Cén fáth na Coimisinéirí Ioncaim?

Cuirtear an méid seo a leanas ar fáil:

- gairm bheatha fiúntach agus luachmhar
- fócas láidir ar fholláine agus ar chothromaíocht oibre is saoil
- deiseanna in áiteanna éagsúla
- cultúr comhoibríoch
- deiseanna oibre cumaisc
- forbairt ghairmiúil leanúnach
- conair ghairme.

**Tóg an chéad chéim
eile i do ghairm agus
déan difríocht.**

Déan iarratas inniu!

[Léigh tuilleadh anseo>](#)

